

Cabar diri belajar sambil berniaga

GONG BADAK - Bergelar pelajar dan pada masa yang sama mengusahakan perniagaan bukan sesuatu tugas yang mudah, namun seorang remaja menganggapnya sebagai cabaran dalam mengukur tahap kemampuan diri.

Wan Aisyah Wan Salleh, 24, yang masih lagi menuntut di Universiti Sultan Zainal Abidin (Unisza) dalam bidang perakaunan mengakui, darah keusahawanan sememangnya telah mengalir lama dalam dirinya dan peluang itu digunakan sepenuhnya untuk berniaga secara atas talian.

"Saya mula berjajak-jinak dalam perniagaan secara atas talian ini kira-kira setahun lalu, di mana barang yang dijual terdiri daripada kain batik dan tudung diambil daripada perniagaan kedua ibu bapa saya."

Tetapi memandangkan saya masih lagi belajar, kebiasaannya saya menjalankan urusan jual beli termasuk membuat kiriman pos laju apabila ada waktu terluang dan waktu cuti," katanya ketika ditemui di Taman Usahawan Muda Pelajar Unisza, di sini.

Menurut anak kelahiran Kelantan ini lagi, perniagaan yang dijalankan atas nama Batikue Shacha ini merupakan landasan buatnya untuk menguji tahap kemampuan diri sebagai per-



Wan Aishah (kanan) menunjukkan antara koleksi tudung yang dijualnya secara atas talian.

seediaan untuk bergelar usahawan sebaik tamat belajar nanti.

"Sekarang saya berada di tahun akhir bagi Ijazah Perakaunan, jadi peluang yang ada saya gunakan sepenuhnya untuk mempelajari asas perniagaan, sekali gus turut menjadi latihan ter-

baik untuk diri.

"Justeru, saya berharap pengalaman sedikit yang diperoleh ini mampu menjadi sandaran buat saya untuk bergelar usahawan sebenar sebaik tamat pengajian di sini (Unisza) nanti," katanya.

SINAR HARIAN 22/03/2015